



Pa abona EXTRA.CW klik riba e [link aki.](#)

2016-10-08 / Lokal

...Dioro Enterprises lo krea espasio riba waf....

MEGA-YATENAN LO POR BIN MARA NA KORSOU DEN FUTURO



WILLEMSTAD.- Direktor di Dioro Enterprises, sr. Rudy Pizziolo, ta kere ku un asosiashon entre su kompania, tambe Chapman Shipping di sr. Dutch Schrier i gobièrnu pa medio di CPA ta un bon ehèmpel kon lo por traha huntu na desaroyo di Kòrsou. Esei ta loke el a enfatísá na okashon di firmamentu di un akuerdo di intenshon entre e entidatnan menshoná. E akuerdo aki na momentu ku e konkretisá lo enserá entre otro ku lo krea espasio pa yatenan grandi por stashoná na wafnan den Schottegat. Segun sr. Pizziolo, pa hopi aña su empresa a okupá parti di waf pa distribushon

di produktonan manera zeta i margarina. Awor dor di e amistat i e sosiedat como empresario ku Dutch Schrier, el a bai di akuerdo pa hasi parti di e espasio na waf liber pa e barku Chapman di Schrier por mara.

Chapman ta e barku ku lo bai ofresé e fasilitatnan pa por hasi investigashon den laman. Entre otro Chapman ta ekipá ku e supmarino ku te awor ta den operashon na Seaquarium.

Na interes i bienestar di Kòrsou ta bai hasi esaki. E barku lo por bai na kualke isla den Karibe pa kualke investigashon. Pero naturalmente mester di un kaminda adekuá pa e stashoná. Esei a pone ku den futuro parti di e waf na Parera lo bini liber i ser traspasá pa Chapman Shipping. Asina e científikonan lo por abordá e barku i bai hasi investigashon.

Por sierto, esaki ta un tipo di operashon ku ta kanando kaba, i na diferente okashon a bishitá islanan manera Boneiru, Sto. Domingo i Dominica.

Segun sr. Pizziolo, banda di e waf ku lo pone disponibel pa e barku i ku pa hopi tempu a ser usá den e operashon di zeta i margarina Dioro, lo krea espasio tambe pa yatenan grandi por mara den awanan di Parera. Den bisindario mes tin e kompania Curaçao Marine ku ta akomodá i hasi reparashon riba barkunan di te 30 meter di largura. Pero e ophetivo prinsipal ta pa yatenan grandi por mara, i prinsipalmente den periodo di orkan unda semper doñonan di yate a buska lugánan sigur pa salbaguardiá nan propiedatnan.

Return to top

© 2013-16 **Extra - Notisia di Korsou**